

REGIONAL NEWS BULLETIN

HEADLINES (MORNING)

1. Art and Culture Minister Pu C.Lalsawivungan nimin khan Lunglei Sazaikawnah District Museum sak thar a hawng.
2. Eucation Minister Dr Vanlalhlana'n zirtirtu ropui chu nuamti taka zirtir thin te an ni a ti.
3. President Draupadi Murmu-i chuan nizan khan sipai hnathawk tha chawimawina 94 a sem
4. World Heritage Committee vawi 46 na chu New Delhi-a Bharat Mandapam ah tun thla ni 21 atanga ni 31 chhungin neih a ni dawn.



LUNGLEI MUSEUM

Art and Culture Minister Pu C.Lalsawivungan nimin khan Lunglei Sazaikawnah District Museum sak thar a hawng.

Thu sawiin Pu C Lalsawivunga chuan district Museum sak thar an hawn tak chu Lunglei mai ni lo, Mizoram chhim lam tan hmasawna chhenfâkawm tak a nih a beisei thu a sawi a, pi leh pute nun dan leh an chanchin vawn that kawngah hma an sawn zel a beisei a, thangtharte tan rohlu hnutchhiah theihna hmaraw tangkai tak a nih ngei a rin thu a sawi. Mipuite chuan Art and Culture department hi pi pu sulhnu leh chindante vawnghintua an ngaih angin theih tawp an chhuah mek tih a sawi bawk a. Tribal Research Institute lamin Mizo pi leh pu chanchinte uluk zawka zirin ziaka dahin, Museum lama thawkte pawhin hmanlai bungraw hluite uluk takin an vawng tha bawk a, hmasawn zel tur leh tang tlang zel turin mipuite pawhin an hnathawh hi an hlut chho zela, thil hlu leh bungrua dah tur neih te pawh helai hmun hi hman tangkai turin mipuite a ngen a ni.

Art and Culture Minister chuan Art and Culture Department thlawh hma chu a zau a, a thawktute tlem zia ngaihtuah chuan an inchhuang ve hle tih a sawi a, mahni hnam nihna kalsan leh mausam reng reng hnam dingchhuak an awm ngai lo tiin chutih lain heng museum item, hmanlai nunphung tarlang leh pholang theitu, hmuh leh khawih theihthe hian hnam nihna(identity) vawnhim leh chawi lar kawngah hma min sawntir zel se la, hmuh theih leh khawih theih loh zo nun ze mawi hrang hrangte pawh theihtawpin vawn nun zel ni se a ti a ni.



FIRE

Nizan zanlaih Darlawn Lungverhkawn - Darlawn Vengpui huam chhunga chenna in pali a kang a, in 2 te a kang ral vek.

Kan corr thudawn danin, in kang te hi Chhungkaw hnih luah lai Pu Raldinglana in

Chhungkaw hnih luah lai tho Pu Zadailoa in

Chhungkaw hnih luah lai Lalfamkima in leh Pu C.Thanthuama in te a ni a, IN Pahnih Pu ZaDailoa In leh Pu Lalfamkima te in a kang ral vek a ni. Pu Raldinglana in hi a chhung a kang a, Pu C Thanthuama in hi an thawmhnaw zawrhna room leh an fate Bedroom a kang bawk a ni

In kang tih hria in Thenawm khawveng te leh Veng chhung mipui te tlan khawm in dar 1:40 velah thelh mih a ni ta a, vawiin lamah hnatlangin a senghawi hna tawh zui a ni ang.



EDUCATION MINISTER

Education Minister Dr Vanlalhlana'n zirtirtu ropui chu nuamti taka zirtir thin te hi an ni a ti.

School Education leh Higher & Technical Education Minister Dr Vanlalhlana chuan nimina Govt Serchhip College, HD Rosanga multipurpose hall a, Zirtirtu tihchak thar nana Educator Enhancemen workshop, Serchhip Teachers Association(STA) buatsaih, a hmanpuinaah he thu hi a sawi a,

Education Minister chuan Mizoramah zirtirtu pakhat chauh awmna school 60 vel a awm a, hengah te hian zirtirtu dah thar mek a ni a ti a. Casual teacher lak mekah engkim fair taka tih a nih thu sawiin, cabinet minister fa pawh tling lo an awm a ti a. Zaa 97 literacy rate nei, Serchhip Dist khawpui Serchhipin khaw danga an neih ngai loha lang, zirtirtu pawl STA bakah Officer thawh hona Serchhip Officers Club an nei fakawm a tih thu sawiin, Mizoram a zirna thuam that nan school thahnem tak leh zirtirtu quarters 120 sak tum mek a ni a ti bawk

He hun hmanpuitu Education Minister hi lecturer a nih angin inkhawm neih hma in Govt. Serchhip College fangin, zirlai te a zirtir a. He hun hmannaah hian Rev Thanzauva Education Consultant in a tawiawm a ni. Serchhipa educator enhancement workshop hi Serchhip Teachers Association kum 50na Golden jubilee puala buatsaih a ni a, he hun hmannaah hian zirlaite leh zirtirtute bakah tualchhung chanchinbu mi te an tel a ni.



SAITUAL FISH

Saitual District Fisheries Department chuan Saitual District Fish Farmer te tan an mamawh hun hun a sangha chi an neih theihna turin tun kar khan Tamdil Fish Seed Farm, Saitual-ah sangha an kap rai a, Deputy Commissioner, Saitual pawh in a

hmunah a enpui a ni. Sangha kah rai hi Mrigal niin, sangha no 30,000-40,000 bawr vel thar chhuah beisei a ni.

Sangha pui tha awm ang angte kah rai an ni a, chutih rualin sangha khawi man ru an awm thin avangin sangha pui tha (Brooder) neih tam a harsa hle niin thawktute chuan an sawi a, venhimna kawngah leh enkawl kawngah mipuite thawhpuih an sawm tak meuh meuh a ni.

Joint YMA Sub-Headquarters, Saitual District te nen thawhho a nihnaah Fisheries Department Saitual te chuan lawmthu an sawi a, Fish Farmer ten sangha tam zawk an thar chhuah a, ram intodelhna kawnga hmasawna rahbi pawimawh tak chuan kai a nih ngei theih nan tan la sauh sauh turin Fishery Dept chuan mipuite a sawm a ni.

<><><>

DY SPEAKER

Deputy Speaker Pu Lalfamkiman Sairang atanga Kolasib inkar kawng thawmthat mek nimin khan a tlawh a, NHIDCL hotute leh Contractor te chu chak zawka hna thawk turin a chah.

Deputy Speaker hian Sairang a Forest IB atanga kawng thalo lai te hi enfiah nghalin NHIDCL-a an executive engineer leh contractor te chu an hmanraw hman leh an harsatna tawh te a zawt fiah a. Highway leh contractor lam hian ruahtui leh kawng min thin chu an harsatna ber ni a sawiin, duh anga lung quality tha hmuh mai tur a awmlo chuan an hnathawh tamtak a daih rei theih loh phah niin an sawi. Deputy Speaker chuan an harsatna tawhte chu thil awm thei tak pawh ni mahse Mizoram chak lak na ber kawng pawimawh tak a nih avangin mipui mamawhna hriaa theihtawpa tan la leh zual sauh turin a hrilh a ni.

Sairang leh Kawnpui inkar kawng siam mek hi tun hnai ruah sur leh leiminin kawng a tichhe hle a. Contractor te tarlan danin phai atanga lung tha chi leh hmanraw dangte chahin theih ang angin an buaipui a, hmun thenkhat paver block a siam a ni bawk. Rail kawng siam mekah approach road an laih atanga tuihawk lo luang thin chuan harsatna a siam thu pawh sawiin, ruahmanna tha zawk a awm theih dan tur sawiho a ni bawk. Kawng chhe zual lai hi Dry Lean Concrete (DLC) leh Pavement Quality Concrete (PQR) te a thawk in kawng siam tute zinga pakhat, Goyal Infrastructure chuan material tha zawk state pawn atangte leh rail kawng siamtute hnen atangin an chawk luh thin thu an sawi bawk.

Deputy Speaker Pu Lalfamkima'n kawng a enfiahnaah hian Kolasib DC Pu Robert C Lalhmangaiha, NHIDCL Engineer te, PWD Sr EE te, Kolasib Police SP leh Contractor te an tel a ni.

<><><>

MNYF

MNF Thalai headquarters chuan ZPM sorkar hotuten dawt hrang hrang an sawi nia an sawi 100 an lakkhawm 'Dawt Bawm' tia an vuah chu nimin khan Aizawl Vanapa Hall kawtah an hal.

MNYF President, MLA Robert Romawia Royte chuan 'Dawt Bawm' an hal programme an siam chu mimal huat vang emaw intihmualpho tumna lam niloin dawt sawi chu hnam leh skhuana tan a thatloh avangin dawt duholoh lantirna hi siam a nih thu a sawi a, sorkar hotute pawhin insiamthatnan hmang se, MNF Party ngei pawhin insiamthatna bul tan nan he dawt hal programme hi an hmangtangkai dawn tih a sawi bawk a ni.

MNYF Vice President Lalnunmawia Pautu pawhin dawt hal list chungchang ah heng an hal tak te hi dawt a ni ngei tih finfiahna documents leh video an an neih vek thu a sawi a ni.

Hetih lai hian ZPM Thalai chuan thuchhuah siam ve in MNF Thalai te'n 'Dawt Bawm' halna hun an neih chu a MNF President leh Chief Minister hlui an rintawk tawh lohzia leh a dawt sawi avanga MNF Party chu Zoram mipuite hnawl an nih zia an lantirna-ah ZPM Thalai Hqrs chuan a ngai tih an thuchhuah-ah an tarlanga, ZPM Thalau chuan MNF President thusawi nia an sawi 43 tarlangin, hal ral sak ve tura MNF Thalai an ngenna thu an chhuah ve bawk a ni.



PRESIDENT MURMU

President Draupadi Murmu-i chuan nizan khan sipai hnathawk tha chawimawina 94 a sem. Rashtrapati Bhavan-a inkhawm buatsaihah Indian Army tanglai leh chawl tawh te bakah Indian Coast Gaurd 94 te hnenah Distinguished Service Award hi hlan a ni a. He hunah hian Param Vishisht Seva Medal 31, Uttam Yudh Seva Medal 4, Bar to Ati Vishisht Seva Medal pahnih leh Ati Vishisht Seva Medal 57 semchhuah a ni.

Award hlanna inkhawmah hian ice President Jagdeep Dhankhar, Defence Minister Rajnath Singh, External Affairs Minister Dr S Jaishankar leh Delhi LG Vinai Kumar Saxena te pawh an tel a ni.

.



WORLD HERITAGE COMMITTEE

World Heritage Committee vawi 46 na chu New Delhi-a Bharat Mandapam ah tun thla ni 21 atanga ni 31 chhungin neih a ni dawn. He intawhkhawm hi ramchhunga nghah anih vawikhatna tur a ni a. Prime Minister Narendra Modia chuan naktukah World Heitage Committee vawi 46 na hi a hawng dawn a ni. He hunah hian UNESCO Director General Madam Audrey Azouley leh UNESCO World Heritage Secretariat a mi paiwmawh tak takte an tel dawn a. Ram hrang hrang atangin palai thahnem tak an tel bawk ang.



PM

Prime Minister Narendra Modia chuan Vietnamese hruaitu General Secretary Nguyen Phu Trong thi chu a ui thu a sawi. Pu Modia chuan Vietnam hruaitu thi hi zahna hlanin India chuan Vietnam mipujite an tawrhpuu thu leh an hruaitu thihna

avanga hun hreawm tak an tawh mekah hian thlamuan turin an awm reng tih a sawi
a ni.

